

續修四庫全書

《續修四庫全書》編纂委員會編

續修四庫全書

上海古籍出版社

一三六〇・集部・別集類

由拳集二十三卷〔明〕屠隆撰……………一

栖真館集三十一卷〔明〕屠隆撰……………三〇五

由拳集叙

華亭徐益孫孟孺甫著

夫世之續述理道紓殫性靈翊贊人
區比烈勛帛者其惟文章之為用乎
古稱多才今不乏士鴻筆之彥龍躍
鳳鳴弘正颺其清暉嘉隆弼其大雅
吐納玄黃杼袖造化正始漸還至物

徐益孫

復耀粵稽文獻蔚乎可徵惜有器存
人亡典型彌遠惄然永懷嗟何及矣
益孫綰髮授學粗誦先王睠言愆人
夙夜仰止亦猶魯叟隆思于姬公詩
人篤望于召伯情有縻好氣有相感
不能遏也東海屠長卿懷黼黻之性
負珪璋之姿標作者之壇擅人倫之

雋始蜚英于海曲嗣振響于天衢耳
剽老成沐浴盛德輒欲操篲問道樞
衣請業相與窺蛟門之竒窟濯滄海
之長流望四明以尚羊登金莪日至
止庶幾縱我大觀飫彼高論而母氏
劬勞疋然寢疾柰何捧果然之腹恣
四方之志哉會先生來官吳會聲响

入戶

三

既接臭味迺同遂以康瓠之材得被
過誤之愛握手剖腸互述雅素綢繆
道故有加平生或講德彌日樽罍為
虛或宴語夜央宵燭猶短或振衣長
吟四荒響答或含毫抽藻萬境俱奔
或裴回中塾睇禾黍于大田或躋陟
西山吊機雲于舊趾可謂氣干青雲

誼亘白虹情叶椒蘭道符金石者矣
先生生有蕪材弱齡操翰研精雅道
企思靈樞欲以探四游之鴻濛綜萬
品之茫昧鑽五緯之玄微獵二酉之
巨麗創一家之名言旌千古之程軌
故其酣蔡經笥沉冥圖府夢寐翱翔
靡有局止詞賦則該廣而魁奇詩歌

則濃郁而沉至樂府則蒙古而深淳
傳記則穎出而周委銘誄則凄楚而
含情述叙則駿爽而秀嫩翰牘則嫺
雅而多風論說則博碩而揚厲譬若
班倕之運斤后夔之攷樂靡不中于
甘苦協于宮商者與先生之言曰近
世之士蟬蛻諸生而影響古人務為

壯語以自標表達哉斯言寔獲我心
大氏列錦繡績者辭綺必靡矯舌抗
喉者調激必詭摑句束字者氣溺必
沉刻肺鐫肝者意幽必瑣徒摹擬之
為工忘優笑之至恥雖令執木鐸以
自鳴人猶將弁而勿省也唯先生以
古鑄今以已鑄古識足以緯其詞才

足以彪其旨象之所會境之所迎機
駢弩流雲興泉逝雖枚叔之敏思孔
璋之駿發子建之茂材正平之迅捷
方之蔑如矣甬東之勝秀甲越絕北
瞰長湖南濱鉅江霸王之氣大國之
風也賀監而後騷雅寂寥千載猶瘖
大運蒞興群公鵲起先生繼之益宅

厥靈遂令潤色前猷功侔初始聲啞
鍾簾氣奪海濤豈不偉哉論先生者
謂宜羽翼清華出入楯陛補袞闕之
遺忘定俎豆之庀綴而高材乏于貴
仕至德困于百里曾不得飽侏儒之
一粟奏卜祝之末伎頌仰古今良可
愾歎嗟乎道詘若信事晦若章幽靈

之物亡施不神卓爾之器亡往不通
先生爰自下車响拊百姓治敦精誠
同希官譽用能仁普騶虞化洽馴雉
邑頌塗歌謹于時雨且以退食之暇
揚扈先民優游竹素徵其意閤爾清
真采其辭爛焉華瞻養德則神存冥
寂譚執則氣類飛揚興到情來匪由

雕飾境多體物法每師心單言子語
惣擬南金尺璣短箋並屬大珪所欲
匍匐千里延思十年者得以諧所舊
聞副所信慕奚羨往初何知來喆展
矣有生之至快恒物之獨遇也夫簿
書案立高于丘山胥隸庶伺溷于鬼
魅當之者亡不神搖觀之者亡不氣

瑟而先生鳴琴為政既稱委蛇矢筆
吐辭復妙天解雖其恢刃有餘抑天
助之不朽者乎嗟乎方諸應月麒麟
應日物有必至機有必合當其殊調
同堂胡越及其合意千里比肩賤子
希懷王之藏世人襲按劍之迹失路
以來仰屋唏噓詎意先生歆其濶毛

采其管蒯縣南州之故榻追鄴下之
舊塵損以珠璣之評被以丹青之鑒
眇昧生光獎飾增價謬屬定文猥令
初序夫談天喻日語屬蒼茫醞鳳脯
磨事非實際鬱葱煙煨寶氣目眩存
亡滅沒天機易爽識慙子野安辨濮
水之神聲出欬巴董同六馬之智敬
撰里言用申清泚匪云托聲于鶴和
夢亦附翼于蠅飛云爾

由拳集叙

屠長卿蓋後潁上徙青浦矣今潁時
諸所著文章詩賦潁諸生乃請付剞
劂而非長卿意也海內諸人士讀而
豔焉輒從長卿乞集而長卿雅不欲
傳然終不能拒間亦一二屬工墨之
楮輒風雷於是長卿益自秘以故傳
者重重而及今今青浦所著文章詩
賦益鴻鉅益不能自秘而馮太史開
之謂前刻稍類乃取而與沈太史君
典刪定之增新者十之六更名曰由
拳集蓋由拳故青浦地人傳泖水澄
隱隱下見城郭狀以故是集得專名
焉而開之更取付剞劂屬于叙謂曰

長卿嚴事先生先生知長卿盡合有
言予於是序曰即無論長卿才即長
卿治狀卓越它日史氏纂國紀文苑
循吏當兩傳之而世又謂文人無行
乃長卿碩碩德操嚴卓行高誼出等
夷燭然不污於時倘所謂完士者非
耶長卿文逖則古昔先王之訓自六

經周秦楚騷兩魚六朝已還無不摭
覽而以時出之不拘拘守一物而詩
則三百篇漢魏及諸樂府饒歌以至
大曆已還亦無不摭覽而以肯出之
不拘拘守一物以故宏肆鉅麗高華
秀美燦然動人心目而溢出無長語
儉用無窘幅才與情副華實並茂神

變惚恍而陰陽錯化故本非舊訓出
其口便足千古固雖緒論入其筆輒
爾神竒譬之用兵如韓淮陰多多益
善雖驅市人以戰自成奪趙滅齊之
功而又如李將軍不治軍籍不擊刀
斗自衛不忤部曲行伍人自不能以
程不識謹文法議其後倘所謂國士

而才氣無雙非耶然此亦重重長卿
年未四十方在卑位尚有冠絕如此
而更今後日又何如哉又長卿毫不
待吮而出語妙天下旣負枚筭之捷
兼收相如之雅人復以馬長卿擬之
疇不謂當然哉而予獨曰兩長卿不
得同日語何居蓋馬卿文無行於是

兩太史輟貽曰先生知言哉先生知言哉合書是為由拳集叙

明萬曆八年歲庚辰五月朔白東沈

明臣嘉則父撰



系

四

由拳集卷之一目錄

賦

溟海波恬賦

霞爽閣賦

閔貞賦

五色雲賦

歡賦

由拳集卷之一

由拳集卷之一

東海屠隆長卿 著

賦

溟海渡恬賦

西嶽山人遊於東海遭東海生於海濱西嶽山人揖東海生而進曰僕西嶽山人也去居西嶽華山下今者汗漫遊於東海敢問東海之滕奚若東海生曰夫東海天下巨麗之觀也今者子從華山而來大海之滕吾且與子共覽焉又焉事僕空侈談

白拳集

卷之一

二

其盛哉乃相與登海門縱目觀之偉哉大浸恢詭特異氣蒸宇宙流濕雲翳簸弄窳廊萬形失厯合渾沌并元氣蕩八荒吞四裔濔濔浩淼忽不知其窮際爾乃踟躕旁皇於其上海風蓬蓬而蕭颼高天下焉大地歆浮長波捲雪蹴沫崩丘肆遐矚於空曠顛倒恍惚宵然喪其赤縣神州雄恠駭爾心目神光散而不收西嶽山人曰有是哉東海之滕一至此壯也東海生曰今者子徒得其大觀尚未領其奧區也僕攷之載籍東有大壑名曰歸虛

受八紘九野之水納天漢之源而廊乎有容滴乎無餘南通滇池東至瑯邪壯旦玄朔西涉流沙掩三湘吞七澤杯盃九河潢潦四瀆大海之外又復胥海禹迹之所不能到圖經之所不能載日月蹠九於其中浮大地之幾何曾不盈其一塊又有扶桑千仞上凌太空杳杳銓呀靈根莫窮巨鰲戴乎五山峙萬古之神功橫波乘漲不與母通唯飛僊而能至寧乃大帝之所宮蓬萊崑崙而軒露方壺天矯而騫驤大鳥集於壙壤之野羣仙會於虛無

白拳集

卷之一

二

之塲遊鴻濛邀雲將樂苑風嬉東皇盧敖偕若子而夷猶安期邀羨門而翱翔淳圉拉陵陽而容與浮丘接王喬而尚羊仰貫列缺之倒影上千北斗之瑤光吾將劃然長咲矯焉輕舉駕赤鵷躡綵虹覩塵跡訪僊蹤以凌乎海上之諸峯子其能我從乎西嶽山人曰唯唯是或難哉子將凌虛徑度僕恐身不能生毛羽若乘舟以往即望見仙山輒胥天風吹之而杳柰何子無誕矣僕聞之聖人出世海不揚波有諸東海生曰然即越蒙氏所稱今昔

之謂也今 天子裊聖首治改元恢唐虞之至德
流大海之波瀾化及昆蟲恩被八埏而西蜀劉公
又造膺 天子簡命以節鉞來鎮東偏於錄劉公
一代偉人坐鎮方面雄視海門千艘霧列萬竈雲
屯威令霜肅德煦春溫大海以東兀然重關巨鎮
不啻一虎踞而龍蹲也方今 上之未御寰宇而
劉公之未秉節鉞於東土也當其時島夷誕梁弄
兵海上鯨鯢吹腥蛟鱷鼓浪洪波鼎沸飄忽震蕩
掠豕編戶虔劉元元壯者俘馘老弱見殘積骸如

日永集

卷之一

三

正流血成川羽書交馳偵騎絡繹將士枕戈 天
子旰食固嘗徵蕞荊楚之劍士召募三河之巨猾
廣收秦隴之勇悍結納燕趙之豪傑莫不臨陳怖
栗不戰自摧虜人屠之如芟艸萊賊用倡厥疾於
風雷淞河以東江淮以南賊衆橫行蹂為戎馬之
墟城邑蕭條人民逃遁 天子震怒大吏伏誅秉
鉞相繼並而翦鋤今者劉公之來軍聲大揚不怒
而威不戰而強窮寇褫魄遠竄遐荒公志弗懈愈
嚴邊防爾乃伐鼓撞鐘建羽揚旂叱咤則噴薄山

岳指顧則旋轉滄溟截水怪駘蜃精奔巨鯨走長
鯨伏罔象之裊姦褫支祁之狎徼陽侯頓戟其惡
風靈胥不鼓其狂波桀高伏日月之光景海童吸
陰陽之靈和奇相助順於沙汭岷精呈曜於巖阿
駉馬逖迹於重泉水光潛形於盤渦龍鯉一角而
馴擾天吳九首而婆娑沈遊裊映屏息靈龜文魃
精嚴其錯綺玄蠅光生乎纖羅樓臺結乎蜃氣光
芒簇於若華百靈栖息萬怪不譁瑞藹葱蒨奇
孕出玳瑁璀璨絢霞映日水晶獻於馮夷之宮水

日永集

卷之一

四

綃貢於鮫人之室明珠來於驪龍之淵大貝出於
龜鼉之窟璿玉見於折木之津玫瑰效於金樞之
穴鳴后叩而有聲浮磬塵而不汨又有文鵠窈窕
奇鷁連娟白鵠踉蹌玄鶴翩躚爰居之栖島嶼屬
玉之下藍田大鵬之翮垂雲鷁鷁之光竟天是皆
珍怪瑰瑰權奇鬼化詫希世之瑞而壯靈海之觀
又如颶風不佐海若大喜平波展鏡深不見底天
朗氣清廊落萬里曜靈出於暘谷朝暾舛乎扶桑
乘蹻躡而縹緲沆瀣浮而蒼茫六合清塵王風四

張百粵底定物無災傷配美周京海波不揚若乃
島夷卉服窮髮焦陬新羅高麗朝鮮琉球烏衣黑
齒穿心飛頭海外之國類千百許雕題文身獸形
鳥語天界夷夏隔絕中土莫不梯山航海間關長
征重譟款塞來朝聖明獻琛質子頓首闕庭妖氛
滌蕩寰宇澄清海無驚波東方以寧於是玉帳書
閑高牙夜寂鳴笳不動刀斗不擊元戎坐笑圍棋
對客椎牛饗士超距投石戰卒解甲健兒橐弓水
犀三千馳驅萬營艤艫巨艦舳舻艤艫錦帆綵幔

由拳集

卷之一

三

青雀黃龍莫不維纜海濱橫槩相連高歌鼓吹擊
榜叩舷三軍驩譁喧徹天或觀濤於浦口或弄
潮於急湍或試射錢唐之強弩或戲擲石之長
鞭漁者垂簷何之綸投任公之釣搜濞徇之派窮
幽眇之島絕江豚羅海狶取鮪鱗索王鱣帆檣相
戛和歌擊鮮而或引吞舟之巨鱗連橫海之頰尾
髻鬢插雲顧骨積壘流膏吐涎腥聞千里獵者張
機設經列滿坑谷弋射海獸奔駭馳逐獲狡兔縛
鉅鹿轉玄猿暨倖納骨車車割鮮殷殷至若海

上編氓居鄰斥鹵煮海為鹽沃饒萬戶經營太公
料理仲父策藉勾稽大國以富或採海錯往來隨
潮水母目蝦屋瓦瓦珉石華海月螺蚌鰓鮑金龜
玉膾人競肥膏又若海舶大賈易貨島外挂席海
水憑陵滿漚出沒魚龍經涉神怪關吏不詰津卒
自在齊民之環海而居者樂化日之普照沐聖澤
之無涯魚鹽襍選煙火萬家秋熟粳稻春榮桑麻
黃稚鼓腹而嘻遊俠少蹴躅而紛拏吳歃越唱激
楚渝巴搥鼓吹笙管絃嘔啞歌士遊女聯袂滿車

卷之二

卷之二

六

遺簪墮珥履舄交加矜珠玉之滿盛闢羅綺之繁
華斯皆 聖天子之宣鉅允敷偉功運真宰參玄
穹仁覆京邑旁流四封而宴劉公之育大造於東
也是以 朝廷釋東顧之憂大臣不復建靖海之
策 天子舉萬壽之觴於上詞臣撰太平之頌於
側高屋穆清海天寧謐又奚必如漢武泛蓬萊之
樓船秦皇侈會稽之勒石皇圖永固其梟無極僕
將與子偃臥海濱覽其巨麗收其閑放以天子之
胷臆於是西嶽山人瞿然而驚爽然而喜起謝曰

靈對揮霍吞吐辟磅訇磕豁呀吼怒大鼓振谷餘
響排戶憑虛一覽黯不可睹激悲壯之長言收跌
宕於靈府至若萬里無翳天高氣朗明月照而雕
闌空天河低而朱扉散江青海碧飄然蕭爽若標
霞光而孤暎遡元化而猷往爾其中也搜二酉之
秘簡藏五岳之真圖儲泰山之玉牒畜禹都之金
書簇鴻寶之奇叢集虎觀之鉅儒春容璀璨間雅
且都策此天駟駕彼龍輿闔乎上乘躡乎靈虛張
皇要眇之論博究宏達之旨高參坤圉下淪渣滓

由拳集

卷之一

九

顯揭二曜幽入蒙汜俯括後代仰超無始漂唐流
霞蕩殷滌似正言森列厄言淋漓大言極乎圖南
小言託乎鸞斯掩中壘之博綜窮執戟之玄思然
青藜而照夜吐白鳳而離披至若蕙肴既蒸桂酒
既清坐羣公於暇日接高燕以娛情進犧尊陳霓
觥彈雲璈吹玉笙倒屣王粲虛左侯嬴折節田光
厚禮荆卿山林羽儀之士廟堂瑚璉之器談天炙
轂之辯弄丸擊劍之技子雲筆札君卿喉舌五都
豪舉三輔奇傑莫不奉其清塵聆其謦欬或含毫

授簡篇章灑灑長嘯發而天籟應秀句落而波臣

駛至若嘉賓出門焚香燕坐玩心蒙李潛神楚此

隱几頽然青山忽墮付高情於天雲遺形骸於彼

豕齊萬乘於止民又安知高臺之與蓬顆章華既

墟銅雀為丘黃煙起荆門西陵生松楸漢水無恙

漳河自泳嬌詞響絕妖姬不收繁華綺麗委彼道

周余欽伊人之玄邈永標勝於茲樓乳曰登傑閣

兮臨鴻濛采三秀兮於山中春秋代謝兮如飄風

春艸綠兮秋荅紅萬物總盡兮歸化工丘壠荒兮

由拳集

卷之一

十

揚枯蓬何不鍊液兮還其童一室臥遊兮當何窮
駕青霓兮騁兩龍御六氣兮徧八紘朝崑崙兮莫
空同懷公子兮心忡忡能從之兮排玄宮

閔貞賦 胥序

翟節婦之死余既為之贊乃心高節婦不已既

讀楊司空閔貞賦感焉可謂異世同慨遂有此

作顧富材助力既乏漢殷亮節繁音復慙六代

聊以寓余心之忡忡矣

煌煌燕京端居至尊倚拔堪輿包絡川原屈庸庸

視太行龍奔金堂崔嵬高枕帝閣玉河湯湯派於
薊門王氣盤礴秀結雄屯覽方輿之脈繫吊往古
之遺蹤昭王族憤昌國景從太子召乎馬角荆卿
感乎白虹田光忼慨而折首漸離擊筑而悲恫精
光變天歟譌生風燕丘紫而俠骨銷易水寒而壯
士去靈氣不收山川奔互蜿蜒鬱糾是生貞媛維
此貞婦婉孌靜柔叶鳳占於太卜迎雁幣於寒脩
奉君子之清塵懼下女之是羞薦蘋宗廟采綠道
周調瑤瑟之和聲結錦襦之綢繆指白日以蒞盟

日永集

卷之一

一一

誓黃河之長流娛清風於曲房眺明月於高樓銀
缸照夜紈扇度秋期千齡而萬歲不挂人間之離
憂何夫君之不延儵淹化而訣絕恒嶽峰摧遼海
波竭榮華霜殞光景電滅朱絃恹其無轂玉簫短
而吹折爾其為景也高天沈寥平野蕭條朔雲下
垂層冰折膠大陸不派薊馬失驕河盡煙柳原枯
蘭若日落沙昏煙起風零鬼火微陰房青華燭滅
玄堂高冷月鑑乎總帷飄風動乎銘旌昔人慘怛
黯乎傷情爾其為容也咿咿喑喑漆漆沉沉霜棲

日永集

卷之一

一一

素面淡素空襟朱粉不御羅襦塵侵脫去玉珥棄
擲華簪神亡形稿若聾若瘖瞋息塊苦之上枯坐
靈輻之下鬼伯相呼司命不假悵夫君之來白
日匿而長夜屏寢食以徬徨顧靈脩之速化從夫
君於夜臺永與世而相謝永思古人忤鬱怏怏睇
心令女矢志陶嬰凝妻斷臂梁竄殘形遊目蒼梧
之野想鼓瑟之湘靈殷啼痕於脩竹銷綠黛於黃
陵爾乃絕粒而逃枵腹而稿影闕寒垌墳荒古道
孤月照而添黃空雙燕飛而重門悄綉被委於香
塵玉骨化為瑤州悼夫婦之精魂託萋蘿而憑幽
鳥效伉儷於黃壚後天地而不老

五色雲賦

五月既望遵湖而西驅車高原飲馬空陂娟娟者
湖秀絕而孤綿亘十里暝帶城隅沙長水明沉鷗
浴鳬青蒲照人綠波平鋪乃稅駕於湖濱吊管賢
之遺跡余欽斯人兮高曠俯大湖而歎息嘆息自
天俛仰今古何彼卿雲爛焉以巨迴合朗暎皦日
微吐蔽天者半厥色維五厥狀瑰麗玄黃雜組或

如玄圭或如白珂或如靈芝或如玉禾或如絳綃
或如紫綃或如文杏之葉或如含蕊之顆或如鸞
原之草或如春湘之波澹脩眉之連蜷呈冶態而
婀娜又如萬卷競開百鳥齊飛奇姿窈窕秀色離
披威鳳之彩葳蕤錦鷄之翼差池肩肩霏霏繚繚
裊裊紛乎若纈蠹乎若髦又如僊人製錦借色雲
君濯彼天河五彩成文丹霞失麗明星載昏長天
紺碧遙光深靚羣山並朗回浦獨暝芙蓉相鮮下
燦紫葍大物矜炫變幻靡窮至微至合若淡若濃

曰恭集

卷之一

一三

廊兮若啟宵兮若懷嗟此璀璨雕彼太素神乎巧
哉天孫所妒何文章之綺靡恐上帝之是怒疇驅
真宰泄祕抽玄東壁獻圖丹甲命篇挾河漢以帝
彩走五星於毫端振藻耀日鴻思寫天等妖虹而
直上捫列缺而倒懸洵天章之巨麗何人工之能
為相如么麼子雲無奇錦心莫吐彩筆藏輝雕龍
刻鳳之技黼黻藻火之形莫不銷其文采遁其精
靈金闕洞開高敞玉樓丹青錯落棟宇雕鏤閭道
玲瓏列僊出遊引以琬輿夾以華輶霞裾成削環

珮相糾紛朱幢與紫蓋蔽七寶而雜琳球朗焉翕
抱六合晶熒繪山川絢日星掩關門之熱氣奪霞
標於赤城胥爛其光燁燁其英王母之所不能謠
羣臣之所不能賡是誠乾坤之上瑞也 國家之
文明焉馬神爽悅矣骨驚余安得躡層雲而上馳
下觀大地之與蓬瀛聊申意於斯文悵獨立而屏
營

歡賦有序

余處冗賤百憂煎人側身天地長苦跼蹐思欲

曰恭集

卷之一

十四

揮悶散心寄興楮墨我思古人動多憂愁昔士
衡歎逝文通賦恨驚心動魄一字一歎每一披
覽秋氣颯颯風雨欲來使人惻愴幾不知有生
人之樂矣友人馮夢禎謂僕曰子何不為歡賦
悅心暢意破彼我之煩懣宣萬物之鬱塞則此
道貴矣夫愁苦之語易好歡娛之言難工然烏
可以其難而舍毫沮喪也於是為賦焉文通諸
君子見當掩口

晨登山阿下覽八紘天地開朗風日熹明遊人出

嬉川塗載平於是僕本曠士解顏暢鬱百慮盡捐
萬愁若失我思古人歡情靡一娟娟皇姦夜處璇
閨薄焉導者帝子是依精靈感化中心不遠清歌
相答滄漾忘歸軒轅守和冥心合道夢遊華胥萬
國熙皞終登空同後天地老子晉儔才神骨蕭森
丹經既成捫霞直上群靈夷猶九州冀壤薄富貴
而不懷希世外之幽賞英英穆滿志俠乾坤萬里
煙驚八駿雷奔謁西王母登彼崑崙奏白雲之長
謠俯弱水而歷天門秦家公主氣凌紫氛一當蕭

由奉集

卷之二

十五

史遂散人群攬虹霓而位佩製丹霞以為裙睇樓
上之明月躡天邊之彩雲長辭綺閣永隨夫君千
秋萬歲此樂何云越王破吳奏凱言歸載蜩眉於
金車挂將士以錦衣樓船壓江濤朱旗晃日輝綬
騎填乎廣陌羅綺盈於中閨堂上燭滅笙歌不喧
尊疊酒清房櫳月昏閣者出客主人留髻坐細毳
以中夜傾一石而何言至若漢帝英雄初誅項王
山河入掌弓矢斯藏過豐沛兮訪故借父老兮尚
羊歌大風而忼慨覽雲氣之飛揚又如延年獻歌

夫人初御驚王骨之凝霜豔輕綃之如霧樓閣含
風階除墜露洵明珠之照人判傾城於一顧衛霍
出塞士馬精彊匈奴滅漢道昌黃金朱第列侯煌
煌鈿釵佐隊歌舞成行相如美稟文君私喜臨邛
恒亡成都歸市姿態豔目芙蓉心死紅蘭茁芳砌
青苔生玉卮雖貧賤其何傷願百齡以為矢若夫
太液波明昭陽月滿香蓮骨舟涼風送管黛色欲
絕歌聲乍緩顰和媚而魂癡亦宛麗而心斷兔園
既開梁王意歡碧瓦宵白朱門夜寒集詞客之鴻

由奉集

卷之二

十六

藻駢凍雲於毫端孟德芟除四方蒿萊雄圖既就
猛士歸來引漳河以為池鑄銅雀以為臺清吹干
雲步輦轟雷高歌烈士泰山崔巍陳王妙才應劉
卓犖寶馬金羈光輝歷落出馳東郊歸宴平樂神
飈蕩空青山暎閣會稽諸賢遠覽高步山川崩峭
雲物莽互喬松夾道脩臺繞戶一咏一觴凌虛徑
度庾公風流佐鎮武昌挾賓佐娛景光攬明月登
胡牀酣飲其無人代長嘯而下天霜又有征夫戍
邊思婦含悽長想忽見遠行士歸今夕何夕月白